

PHARMACOKINETICS

نبدأ مع بعض ^_^ بسم الله

REDISTRIBUTION

عندنا ملحوظه اسمها redistribution فاكارين دوا اسمه **thiopentone** شوفنا اسمه تقريبا كدة مرتين، دوا very high lipid soluble، ولما جربنا نديه oral مانفعش انه يمتص لانه lipid soluble عالي ولكنه مش water soluble، واحنا اتفقنا ان عشان حاجه بتمتص لازم تكون water soluble عشان الـ film of water اللي مغطي الـ organs.

والمرة الثانية انه ليه specific distribution الدوا ده بيحب الدهون اوي فتلاقي تركيزه عالي اوي ف الـ fat، الدوا ده لحد اما ربنا يدينا عمر وندرسه لازم نكون عارفين انه بيتاخذ IV anesthesia هيسيب الدنيا كلها ويروح يتخزن ف الـ CNS خاصة الـ brain طيب مش احنا قولنا انه بيحب الدهون مارحش ليه مثلا على الـ subcutaneous fat او اي حته فيها دهون؟

وده لان اتحقق شرطين مهمين انه مليان بالـ fat وكمان هو high vascular وبعد ربع ساعة تلاقي العيان فاق، عشان كدة بسميه ultra short acting. ده لمجرد انه الدوا ساب الـ brain وراح لباقي اجزاء الجسم لانها عمليه تركيز فانتقل من الـ high concentration في الـ brain لـ low concentration في الدم. وبعد كدة بعد اما يعدي على كل الأجزاء بتاعت الجسم يروح للـ lipid tissue ف الآخر طب ليه ف الآخر كدة عشان الـ vascularity بتاعتها قليلة، طيب في الآخر بقاء، بعد كام ساعة بيحصله excretion مثلا .

بس السؤال هنا هل الدوا انتهى مفعوله لما حصله metabolism or excretion؟ لا طبعا هو انتهى مفعوله بمجرد حصول redistribution، طب فيه غلطة حصلت لما كنت أنا ف امتياز وعملها نايب والظاهر كان بيحب على نفسه زيادة، فقعد يدي العيان repeated doses of thiopentone لحد اما مات، طب تقتكروا العيان مات ليه من الجرعات المتكرره دي؟ أنا اول جرعه في الآخر بعد الربع ساعة اتوزعت على الـ organs وخلاص. لكن لما اكررت حصلت حاجه اسمها tissue saturation لانها بتستوعب كميته معينه لما زادت الدم ماعرفش يديها.

VISIT...

LANZAROTE
Caliente.COM

بالتالي اللي ف الـ brain ما عرفش يسييه ويروح ع الدم فمات، ده بالنسبة لجزء الـ redistribution.

Apparent volume of distribution (V_d)

المعادلة دي بعملها عشان اعرف الدوا ده منتشر ف قد ايه من الجسم، أنا هعتبر ان الـ fluids موجوده ف الجسم في compartment كبير، أنا ما يهمنيش الدوا انتشر في one ولا two compartments أنا يهمني هو انتشر ف قد ايه من الـ 42 L؟ وايه اكثر الأماكن اللي بيحبها انه ينتشر فيها. بعمل المعادله دي ازاي بقا؟

بدي جرعه بكميه معينه (A) ومدام هي amount هتبقى بالـ mg، وعلى طول اخذ عينة من الـ plasma واحسب فيها الـ concentration (c) وساعات بيسموها initial concentration (c_0) هتبقى بالـ (mg/L)، واروح قاسم الـ A/C تروح مدياني الـ V_d ووحدتها هتبقى بالـ L. طب لسه ماوصلتش اوي، تعالى اديك مثالين لأدوية وتشوف الفرق بينهم.

أنا اديت دوا بكميه 40 mg وقيست الـ conc. ف الدم لقيته 10mg/L لو حسبت الـ V_d هلاقيها 4L ده معناه انه موجود ف الـ PLASMA بس، طب ايه اللي يخليه محبوس ف الدم؟ زي الكلام اللي قولناه المره اللي فاتت ← انه HMW ومتوقع ان جزء من الدوا ده ماسك على الـ plasma protein.

طب هاديك مثال ثاني عشان توضح اكثر، أنا اديت دوا ثاني 10mg لقيت الـ conc. بتاعته في الـ 1mg/L plasma، هلاقي ان الـ V_d بتاعت الدوا ده 40L، يبقى ده غالبا multi compartment model، ده معناه انه منتشر ف الـ plasma، interstitial and intracellular.

هاستنتج من كدة لو لقيت الـ concentration بتاع الدوا ف الـ plasma عالي هلاقي الـ V_d قليله.

Digoxin ↓

الدوا الأخير بقا عشان تعرف انه apparent not accurate measure of distribution فيه دوا اسمه الـ digoxin فاكرينه؟ طب سمعوا ايه عنه؟ انه له specific distribution في الـ cardiac muscle وانه slow disintegration. لو اديناه مع Atropine حلو، لكن لو اديناه مع الـ metaclopramide مش حلو. اسمع المعلومة التالته عن الـ digoxin ← ان الـ V_d بتاعه 500L ده رقم مهول جدا مفيش اي انسان طبيعي واي دوا هيتركز التركيز ده، طب ده معناه ايه؟

ده معناه ان تركيزه ف الـ plasma هيكون قليل والتوزيعه بتاعته في كل حته في الـ tissue مليون جدا على اخره والباقي اللي اتبقى موجود ف الـ cardiac muscle متخزن.

وده يدل ان الـ V_d دي قيمه therapeutic، انت كدكتور هيبقى الهدف من اي دوا بتديه انه يوصل لك **therapeutic plasma concentration** او desired plasma concentration وده ممكن يحصل بعد مده صغيره او كبيره، وده بيبقى تركيز الدوا اللي هيبدا عنده يشتغل على المرض، التركيز ده اللي أنا عاوز اوصله تقريبا ثابت اسمه steady state of concentration (C_{ss})، وحاجه مش مهمه انهارة وهي الـ toxic concentration هيبقى عندها يحصل تسمم للعيان من اي دوا بياخده، طيب أنا دلوقتي ف اي دوا عرفت الـ V_d بتاعه وعرفت التركيز الثابت تقريبا اللي نا عاوز اوصله في الـ plasma. وعاوز اعرف الـ dose اللي أنا هديها عشان اوصل للـ C_{ss} اعمل ايه؟

طيب أنا ممكن اجيبها عن طريق الـ $V_d * C_{ss} = \text{dose}$. طب افرض عارف الـ V_d وعارف الجرعة اللي هتديها للعيان وبالذات لو انت بتشتغل ف السموم والحاجات دي هتقدر تعمل ايه؟ بدول اقدر اطلع ايه؟ هاقدر اطلع الـ C_{ss} طب دي تفرق معايا ف ايه، هاقدر منه اعرف اذا كنت في الـ therapeutic range بتاعي ولا داخلين على toxic.

هو أنا لو وصلت للـ toxic هيبان اعراض تسمم، بس أنا لو دكتور شاطر ومديه أدوية خايف منها اقدر الحقه اني اقلل الجرعات او اوقف الدوا.

الأستعمال الأخير بقا بتاع معادله الـ V_d .

عيان واخد toxic dose من دوا وعيان تاني واخد toxic dose من دوا تاني لو الموضوع عادي هاخلي بالي من النفس ولو فيه دوا مضاد هديهوله واعمله غسيل معدة لو واخده oral. طيب لو الموضوع صعب اوي هاعمل ايه؟ هاعمل hemodialysis اللي هو غسيل الدم زي العيانيين بتوع الغسيل الكلوي كدة بينقوا الدم اللي فيه الـ waste product، الدوا الأولاني الـ V_d بتاعه very high والدوا اللي واخده العيان التاني ليه low V_d ، غسيل الدم هينفع مع انه يواحد فيهم؟

هينفع مع العيان اللي عنده low V_d عشان هنلاقي ان الـ conc. بتاع الدوا ف الدم كثير ومش منتشر اوي ف الـ خلايا.

انما العيان بتاع الدوا التاني لو نفترض انه digoxin مش هينفع اعمله hemodialysis. لا طبعا، لان مفيش حاجه ف الـ plasma لان الـ conc. فيها قليل مشكلتنا كلها ف الـ cardiac muscle والخلايا التانية دي.

METABOLISM

أنا عايز قبل ما نتكلم فيه، أنا عايزك أنت تقول إيه الـ metabolism ده؟ قول أي حاجه، يعني إنت إيه فكرتك عن الـ drug metabolism؟ بالظبط يعني الدوا بيتكسر، إسال أي حد من الطلبة أو الأساتذه أو د. حسين خيرى هيقول كلام أحسن من كدة بكثير، لكن دي الفكره الـ general

طبيب أنا عايزه أقولك حاجه هو كلامك صح بس إن الدوا يتكسر دي نتيجته للـ metabolism وليس الهدف من الـ metabolism

طبيب أmaal إيه بقى الهدف من الـ metabolism؟

إحنا اتفقنا إن الأدوية في الـ pharma ممكن أصنفها الى الـ lipophilic drugs و الـ hydrophilic صح؟ الـ lipophilic دول غالباً هيقوا unionized و الـ hydrophilic دول هيقوا ionized

طبيب أهم طريقه أتخلص بيها من الدوا و أرميه برا جسمي خالص هي أنهي طريقه؟ الـ renal excretion ودي النتيجه الحتميه لأي دوا في الآخر إنه هيترمي بره الجسم

طب تعالوا نفكر كدة، لو الدوا ده hydrophilic وكدا كدا على الـ nephron بتاع الـ kidney إيه ظروفه، ولو الدوا ده lipophilic إيه اللي يحصل

عندنا الـ nephron فيه الجزء اللي اسمه glomerulus وآخره في الـ arteriole و Bowman's capsule وهنا الـ proximal convoluted tubule فيها الخلايا كدة وفي lumen في النص متخيلين كدة المنظر؟ طبيب آدي الدوا الـ hydrophilic حصله filtration عدى من الـ pores بسهولة ودخل من الـ lumen بتاع الـ nephron، هل في صعوبة في الـ excretion بتاعه؟ هو الدوا ده عنده إختيارين ↓

الدوا ده قاعد في ميه، وجنبه إغراء بتاع الـ lipid bilayer للخلايا بتاعه الـ renal tubule هو هيفتار مين الدوا الـ hydrophilic؟ hydrophilic معناها بيحب الميه، يبقى هيكمل سكتة عادي خالص في الميه وينزل بسهولة جداً، يبقى معنديش أي مشاكل في الـ excretion of hydrophilic drugs

طبيب تخيل بقى لو الدوا ده lipophilic الدوا جه في المكان ده برضو عنده نفس الأختيارين يا يكمل مع الميه يا يروح للدهون، اسمه الـ lipophilic يبقى هيروح للـ cell membrane ده ويرجه تاني للـ circulation، اسمها إيه بقى؟ reabsorption يبقى أنا عندي صعوبة في التخلص من الـ hydrophilic ولا الـ lipophilic؟؟ الـ lipophilic هو اللي فيه مشكله

إيه بقى فكره metabolism وصلت ولا لسه؟؟

The aim of metabolism or biotransformation is to convert the lipophilic drugs into hydrophilic

عشان أخليه water soluble عشان أقدر أتخلص منه عن طريق kidney
طبعاً لما نتقدم في المنهج هتلاقى في أدويه hydrophilic بيحصلها metabolism بس دي قصه
تانيه، لكن الـ general rule إن الـ hydrophilic معظمها بتنزّل في الـ urine إيه بقى؟

Unchanged

طيب ده بالنسبة للمقدمة كدة

كتاب القسم عندنا أنا عاجبني أوي أعتقد دي من الحاجات اللي إتجددت إن هو بادئ على
طول بـ the aim of metabolism، الجزء اللي بعد كدة إقرأه كدة على الماشي، الأماكن اللي
بيحصل فيها metabolism

طبعاً أهم مكان الـ liver حتى دايماً نتكلم إحنا على الـ hepatic metabolism، في بقى other
sites مش محتاجه شرح يعني ومش مهمه الأمثلة اللي جنبها
اللي يهمني بقى النقطة اللي جايه

Types of metabolic reactions

الدوا بيتعرض لـ chemical reaction شكلها عامل إزاي؟ أنفق على تقسيم الـ chemical
reactions دي الى مرحلتين، حاجه يسموها phase I reactions و phase II reactions ومادام حاجه
فيها مرحله أولى ومرحلة تانيه يبقى غالباً في إيه؟ في ترتيب مش كدة والا كانوا سموها type 1
مثلاً أو category 1 لكن phase I معناها إ في غالباً ترتيب، الدوا يعدي على phase I وبعد
كدة يعدي على phase II طيب خيلنا في الأولانية.

Phase I reactions:

إيه معنى كلمه phase I reaction؟؟ إيه التفاعلات اللي ممكن الدوا يتعرض ليها و تتسمى
phase I وخلي بالك بين قوسين كدة مكتوب non-synthetic و هتفهمها لما نيجي نقول phase
II

هنا الدوا هيجصله حاجه من ثلاثة
يا إما يجصله **oxidation** ← ياخذ oxygen أو يفقد hydrogen
أو يجصله **reduction** ← عكس الـ oxidation
أو يجصله **hydrolysis** ← يتحلل بالميه
(أو) خلي بالك، يعني مش يجصله التلاته or either

طبيب، كتاب القسم كاتب أمثله وأنا قعدت الحقيقه كثير أوي مش عارف اقولكوا الأمثله دي ولا لأ بس قررت في الآخر إن أنا اقولها، إذا محفظتهاش النهارده إن شاء الله هنحفظها لما نوصل لإمتحان اعمال السنه

هو مدي مثل دوا بيحصله oxidation حاجه اسمها **ethyl alcohol** والغريب في الموضوع إن إحنا ما بندرسش اصلاً **ethyl alcohol** يعني في الغرب أو في باقي العالم بيهتموا أوي بالـ **ethyl alcohol** لأنه حاجه كل الناس بتستعملها فبيعتبروه كدوا لكن إحنا مبنهتمش بيه أوي الـ **ethyl alcohol** لما يحصله oxidation بيتحول لحاجه اسمها **acetaldehyde** وبعدين يتحول لـ **acetic acid** وبعدين يتحول لـ CO_2 وميه، المهم إن ده مثال للأدويه اللي بيحصلها phase I reaction in the form of oxidation reaction

الـ reduction مكتوب عندنا مثال طبعاً إنت آخر السنه هيبقى عندك مليون مثال أحسن من دول لكن مبدئياً كدة إنت عندك دوا اسمه **chloral hydrate** الدوا ده يتصنف في الـ pharmacology إنه **hypnotic** معرفش عارفين الكلمه دي معناها إيه ولا لأ؟ معناها منوم drug that induces sleep

الـ **chloral hydrate** بيحصله reduction لماده ثانيه اسمها **tri-chloro-ethanol** اللي بين قوسين **active** و **more active** والكلام ده خليه ببعدين

الأحتمال الثالث بقى إن الدوا يحصله **hydrolysis** عارفين دوا اسمه **acetylcholine** هو ده دوا يعني الـ **acetylcholine** ده دوا؟ لأ هو قيمته الأساسيه **neurotransmitter** طبيب الـ **acetylcholine** ده أول ما يطلع من الـ **nerve** من الـ **autonomic nerve** أو من أي **nerve** اللي هو بيد **release acetylcholine** بسرعه بيحصله **degeneration** أو **hydrolysis** بيتكسر بالـ **choline esterases**.

في حاجه اسمها **true** و **pseudo choline esterase** هنتفكر إن شاء الله، المهم إن هو بيبقى **hydrolysed** لمواد مالهاش قيمه ← **choline** و **acetic acid** يبقى فقد قيمته كـ **chemical transmitter** في دوا اسمه **di-acetyl-morphine** سمعتوا عن ماده أو دوا بتدمن كدة اسمها الهيروين؟ آه مشهور أوي، الهيروين ده مسكن قوي اوي اوي بس ادمانه فظيع ولما تركز تلاقيه ده قريب المورفين.

هو اسمه **di-acetyl-morphine** يعني عشان اصنع **heroin** يبقى **di-acetyl-morphine + morphine** الـ **acetyl group** الـ **di-acetyl** ده لو اتعمله **hydrolysis** يرجع **morphine** ثاني، لو عملت **hydrolysis** للـ **heroin** يديني **acetate + morphine** يبقى ده مثال للحاجات اللي بيحصلها **hydrolysis**.

يبقى كل ده تبع الـ phase أنا بس كل اللي عايزك تعرفه إن الدوا **oxidized** أو **reduced** أو بيحصله **hydrolysis**

الأهم بالنسبة لي بقى الـ **N.B** اللي تحت، الـ results حصل إيه في نشاط الدوا؟ الـ activity بتاعت الدوا أخبارها إيه؟ ميهمنيش بقى هو oxidized ولا hydrolysed ولا حصله إيه، أنا يهمني هو بايظ ولا شغال الـ results اللي موجوده عندنا في الكتاب أربع احتمالات:

① الأحتمال الأول، وبيتهيلي ده الاحتمال الأرجح واللي كلنا فكرنا فيه لما جبنا سيرة الـ metabolism إن الدوا يحصله **inactivation** يعني الدوا كان شغال ولما عدى على الـ liver وحصله حاجه من الثلاثه دول بقى inactive metabolite

الفرق الأساسي بين الدوا وبين الـ metabolite إيه؟؟ إن الأولاني كان lipid soluble واتحول بعد كدة لـ more water soluble compound أمثله ملهاش آخر في المنهج بيحصله inactivation معظم الأمثله في المنهج بيحصلها كدة، معرفش الحقيقه ليه كتاب القسم مختار دول بالذات، أنا هقولهم لك ولو مش عاجبينك اجلهم لحد ما نأخذهم في المنهج.

عندنا adrenaline و noradrenaline نقدر نعتبرهم أدويه بس هم أكثر منهم أدويه هما hormones طالعين من الـ suprarenal medulla والـ noradrenaline ده chemical transmitter كمان، المهم إنهم لما بيتكسروا بكذا process كدة بيتحولوا لحاجه اسمها Vanil Mandilic Acid (VMA) ده بينزل في الـ urine وبيستخدموا التحليل بتاعه عشان اشخص بيه ورم بتاع الـ medulla اللي اسمه pheochromocytoma في ماده ثانيه اسمها serotonin وده حاجه كدة موجوده في الـ platelets وموجوده في الـ CNS، الـ serotonin ده لما بيتكسر بيتحول لحاجه طويله كدة اسمها **5-Hydroxy-Indole-Acetic Acid (5-HIAA)** عارفين ده بيقيس إيه؟ لما بنقيسه في الـ urine يبشخص حاجه اسمها carcinoid tumour او carcinoid syndrome

② الأحتمال نمره اتنين حاجه اسمها activation وهو إحتمال مهواش very common لكن موجود عندنا في الـ pharma ودي تؤكدك إن الهدف من الـ metabolism مهواش تكسير الدوا، ساعات لما ناخده يبقى inactive وبعدين لما يعدي على الـ liver ويحصله oxidation أو reduction أو hydrolysis يتحول الى active metabolite ساعاتها بقى ميقولوش على الدوا ده drug يقولوا عليه حاجه اسمها prodrug يعني لما تعدي عليك إن شاء الله وهتعدي عليك كثير وفي الآخر إن شاء الله إنت اللي هتجمعلي كام prodrug عدى علينا في المنهج، يبقى أنا فهمت إيه القصد من prodrug إن الدوا ده inactive ولما يعدي على الـ liver يبقى active كتاب القسم كاتب المثال نمره (a) ده إشطبه لأن هو الحقيقه الكلام ده مش متفق عليه أوي إن الـ imipramine يتحول لـ desipramine ده مش مؤكد خالص.

المثال الثاني نمرة (b) دوا اسمه **phenoxybenzamine** ده حاجه من α blockers المشهورين أوي وده مبيشتغلش إلا لما يتحول جوه الجسم لحاجه اسمها $ethylenimonium^+$ لو صعب عليك شويه مش مهم افكر بس إن **phenoxybenzamine** ده prodrug

طبيب المثال اللي حبيت إنك تلزقه في الجزء بتاع ال-activation ده لأن هو يمكن طبياً أهم، عارفين hormone اسمه **cortisone**؟ ال-**cortisone** ده على فكره ما يشتغلش حتى اللي طالع جوه جسمك أو اللي بيتاخد كدوا لازم يتحول لactive metabolite اسمه cortisol أو ساعات يقولوا عليه hydrocortisone يعني أنا أقدر أقولك كدة بكل الأطمئنان إن ال-**cortisone** is a prodrug لكن ال-hydrocortisone ده drug

طبيب إذا كنتم فهتمم قصدي بقى هقولكم سؤال، ال-**cortisone** عموماً بيتاخد في علاج ال-allergy وال-inflammation وبتعالج تقريباً كل حاجه في الدنيا يعني، واحد عنده حساسيه كدة في الجلد يا ترى ينفع اديله مرهم **cortisone** ولا مرهم hydrocortisone؟؟
hydrocortisone صح؟ اشمعني لأنه active اما ال-**cortisone** لو حطيته topical كدة local على الجلد ملوش أي قيمة ليه بقى؟ هو لازم يدخل ال-circulation ويعدي على ال-liver ويتحول لactive metabolite

العظام بقى، اللي فيكم إن شاء الله هيشغل في العظام هيسترزق كثير أوي من حقن ال-**cortisone** في المفاصل، اللي عنده مشاكل والتهابات في المفاصل يروح لدكتور العظام يديله حقنه **cortisone** في المفاصل، طبعاً أنا بقول **cortisone** بس هي صح **cortisone**؟ لا
cortisol طبيب لما آجي أعالج بقى systemic هيلع أقراص ياخد **cortisone** ولا **cortisol**؟
ياخد الأثنين، ال-**cortisol** شغال على طول، ال-**cortisone** يعدي على ال-liver ويتحول ل-**cortisol**

③ الأحتمال الثالث حاجه إسمها maintenance of activation يعني الدوا كان active ولما حصله phase I إداني active metabolite فهما الفكره؟ يعني هو نفسه شغال ولما عدى على ال-liver إداني مركب جديد لسه شغال برضو
أمال إيه الفرق بين الدوا الأصلي اللي سموه ال-parent drug وال-metabolite؟؟ الفرق كيميائي ده ال-lipid soluble وال-metabolite اللي طلع بقى ال-more water soluble

الأمثله اللي موجوده عندنا مثال مش حلو أوي دوا اسمه **phenacetin** ده حاجه مسكنه و خافضه للحراره يتحول لدوا مهم أوي في المنهج اسمه **paracetamol**، ال-**phenacetin** معادش بيستخدم بيعمل مشاكل كثير فمعادش بيستخدم فعشان كدة مهواش من الأمثله الحلوه يعني.

المثال الثاني **diazepam** ده ليه اسم تجاري مشهور أوي اللي هو ال-**valiam** الدوا ده مهدئ

بيعالج تشنجات، بيعالج صرع، يستخدم في التخدير.
الدiazepam active ولما يعدي على liver يحصله oxidation لحاجه اسمها -nor
diazepam عرفت الفرق بينهم ده بيضيع التشنجات وده زيه أمال الفرق إيه؟؟ الدiazepam ده
lipid soluble أوي مش عارف اتخلص منه والد-nor-diazepam شويه water soluble أقدر
انزله في kidney

في مثل الحقيقه للمaintenance of activation كان موجود فوق لو خدت بالك على
الد-chloral hydrate في الجزء بتاع ال-reduction شايفه كدة مكتوب بين القوسين إيه active
وبعدين تحول لمركب more active أنا ميفرقش معايا الحقيقه هو more active ولا less
active المهم إنه لسه له نشاط

④ آخر إحتمال ، مش موجود في الأدوية الحقيقه لكن مذكور بقى في الكتاب، إن أنا ادي دوا
أو ماده معينه تتحول في الجسم لـtoxic طبعاً مش موجوده كعلاج، يعني حاجه طبيه مش موجوده
الأمثله اللي عندنا بقى في الكتاب.
أنا قولتلكم من شويه الethyl alcohol اللي هو الخمره مش عايز اقول الخمره الحلوه لأن
مفيش خمره حلوه بس الخمره النظيفه الغاليه اللي مش مغشوشه اللي بتتكسر بسهولة وتديلك
CO₂ وميه في الآخر، اللي هي بييسموها بالبلدي كدة السبرتو الأبيض.

أحياناً بقى بيتم غش الخمور يعني بدل ما تتباع سبرتو أبيض يتغش ويتحط عليه أو يتحط بداله
سبرتو احمر اللي هو بنسميه methanol أو methanol مشكله ال-methanol ده إنه
بيتكسر في الجسم لـtoxic metabolite اسمه formaldehyde
وال-formaldehyde is retino-toxic يعني يبوظ الشبكيه، يبوظ ال-optic nerve وال-retina
ويعمل permanent blindness
يمكن كلكم بتقروا ده ساعات في صفحه الحوادث يمكن لما كنتوا لسه بتقروا جرايد يقولك إصابه
مش عارف كام شخص بالعمى لتناول خمور مغشوشه، كان عنوان مشهور أوي.

المثل الثاني هتلاقي عندنا في المنهج إن شاء الله بعد كدة في ال-autonomic حاجه اسمها
ال-anti-choline esterase من ضمنهم ال-insecticides مبيدات حشريه اللي هما مكتوبين
عندنا في الكتاب parathion و malathion دول عباره عن مواد بتتاخذ عشان أموت بيها
الآفات الزراعيه دي بتتحول في الجسم سواء جسم ال-insect أو البني آدم
لماده toxic اسمها para-oxone و mala-oxone يبقى دي من الحاجات النادره

Phase II reactions

هتلاقى مكتوب عنددها بين قوسين كدة synthetic reactions أو ببسموها **conjugation reactions**، مقصود بيها إيه من الأسم ده؟ يعني الدوا بيشبك عليه حاجه من الـliver مادته كيميائيه فكأنى ببني مركب جديد عشان كدة اسمه synthetic إيه بقى المواد اللي الـliver بيحطها على الدوا؟؟

① أشهر حاجه بتتخط على الأدوية حاجه اسمها **glucuronic acid** عشان كدة ببسموه conjugation with glucuronic acid أو ببسموه glucuronidation الأثنين صح، إن أنا اخدت الدوا شبكت عليه glucuronic acid اتحول لمركب جديد مش مهم الأمثله اوي هتلاقى مليون مثل، بس مثل الـmorphine ده مهم هتلاقى مكتوب عندنا كذا مثال تاني الـparacetamol aspirin ماشي، الـmorphine هنعدي عليها الحته دي وهقولك إزاي إن الـmorphine بيحصله conjugation ويدي أكثر من مركب

② الجزء أو الماده التانيه اللي ممكن أحطها على الدوا الـacetate أو الـacetic acid وساعتها يقولوا على الدوا حصله acetylation سهله مش كدة، أشهر دوا كدة إفتكر من النهارده الـisoniazide وده لحد النهارده أشهر حاجه في علاج T.B. يعني دوا مهم لغايه النهارده في علاج tuberculosis

③ الاحتمال التالت إن الدوا يتحد عليه **methyl group** يحصله حاجه اسمها methylation الـnoradrenaline مثلاً بيحصله methylation ويدي adrenaline ④ الـglycine مش common أوي لكن مهم أوي مع الـaspirin لما نيجي ناخذ الـaspirin هنفهم لما آجي أقولك إنه بيحصله conjugation مع الـglucuronic acid و conjugation with glycine تمام، بيشبك معاه

glucuronic acid ده الماده الأهم ويشبك معاه شويه كمان glycine ⑤ لو حببت تزود بقى في ماده تاني الحقيقه أنا شايف إنها مهمه الـsulphate في أدويه كثير بيحصلها conjugation with sulphate يقولك إن الدوا حصله sulphation يعني لو حببت تعرف مثال كدة لحد ما نوصل إن شاء الله للـcardiovascular دوا بيعلي الضغط اسمه minoxidil وده من أشهر الأدوية اللي ممكن يحصلها ما يسمى بالـ conjugation with sulphate

طبيب أنا بقى عايز أعرف النتيجة بتاعه الـphase II على نشاط الدوا لحد قريب نسبياً في الفارما كانوا فاكرين إن phase II reactions دائماً leads to inactivation كانوا كاتبينها كدة في كتابنا always leads to in activation لحد ما اكتشفوا قريب إن الموضوع مش كدة، إن آه غالباً الدوا اللي هيحصله conjugation will be

usually leads to inactivated exception بس في فبدأوا يقولوا بقی بدل ما always خلوها
inactivation

عارف بقی مین السبب في إنهم غيروا رؤيتهم للموضوع؟؟ الدوا اللي اسمه morphine ده طبعاً
من أشهر المسكنات بس مشكلته الأدمان، الـ morphine بيحصله conjugation مع الـ
glucuronic acid ويدي مركبين؛ مركب يقولوا عليه morphine-3-glucoronoid -أنا عارف
الكلام ده مش مكتوب دلوقتي بس نعرفه- يعني الـ glucuronic acid مسك في الكربونه نمرة 3
بتاعه الـ morphine ده مركب inactive خلاص ملوش أي قيمة، الحاجة بقی الجديدة بقی لقوا
جزء من الـ morphine بيمسك برضو مع الـ glucuronic acid ويدي مركب اسمه
morphine-6-glucoronoid

يعني هو هو نفس التفاعل مش كدة؟ morphine مع glucuronic acid بس الـ glucuronic
acid مسك مع الـ carbon رقم 6 بتاعه الـ morphine
اكتشفوا إن الـ morphine-6-glucoronoid رغم إنه more potent عن الـ morphine
كمسكن لكن العيان مبيستفدش منه أوي!!! هو much more water soluble عن
الـ morphine، هي مش فارقته أوي حكاية إن هو excreted بسرعه لكن هو الـ morphine لازم
يعدي إيه؟ BBB عشان يسكن، طب إيه رأيك هو وصوله للـ BBB بقی صعب لأنه بقی more
water soluble يبقى لما ناخذ الـ morphine إن شاء الله في الترم الثاني بقی إنت اللي
هتشرحي

الجزء اللي في صفحه 13 ده هو **N.B** بس عشان التوضيح، إحنا اتفقنا إن في حاجة اسمها
phase I و phase II مش كدة؟ واتفقنا إن مادام في كلمه phase دي يبقى الدوا بيعدي على
المرحلة، مرحلة أولى وراها مرحلة تانيه، بمعنى معظم الأدوية حصلها phase I لما عدت على
الـ liver وإن شاء الله هيحصلها phase II لما تعدي على الـ liver مره تانيه
يبقى الدوا بيعدي ع المرحلة دى، مرحلة أولى وراها مرحلة ثانية بمعنى ان معظم الأدوية
حصلها phase 1 لما عدت على الـ liver وهيحصلها phase 2 ان شاء الله لما تعدي على
الـ liver مرة ثانية
بس الاحتمال التاني بقی ان بعض الأدوية يحصلها phase 1 reaction وخلاص مش محتاجة
phase 2 او بعض الأدوية يحصلها phase 2 وخلاص من غير phase 1

الحاجة الغربية بقی ان لقوا ادوية قليلة اوى يحصلها reverse sequence يعني تعدي على
phase 2 الأول وبعدين يحصلها phase 1 يعني يحصلها conjugation-الاول
بعدين يحصلها oxidation او reduction او hydrolysis، المثال بتاعنا اسمه isoniazide
الى قتلناك عليه مشهور اوى في علاج الـ TB ← ده بيحصله الأول acetylation،

يعنى ايه الكلمة دى؟؟ يعنى يحصله conjugation with acetic acid ، يعنى phase 1 ولا phase 2 دى؟؟ phase 2
وبعد كدة يحصله hydrolysis يعنى phase 1
ده بالنسبة للجزء بتاع ال-metabolism

الجزء الجاي بقى هنتكلم عن ال-ENZYMES المسئولة عن ال-METABOLISM
عندنا نوعين من ال-enzymes نوع مهم جدا جدا فى المنهج بتاعنا الى هو ببسموه
microsomal enzymes وفى نوع تانى اقل اهمية يمكن منسمعش عنه كتير اوى اسمه
non-microsomal enzymes

- 1- ال-microsomal ← موجودة دايما فى الخلية فى ال-ER s يعنى ال-vesicles دى او ال-microsomes اللي فيها ال-enzymes دى موجودة على سطح ال-sER
- 2- ال-non-microsomal مش مقفول عليها يعنى موجودة فى ال-cytoplasm او ال-mitochondria او اى organelle

الفرق الأهم بقى ↓

- 1- ال-microsomal enzymes مكتوب عندنا فى الكتاب انها موجودة فى ال-liver mainly وفى كتب كاتبة انها موجودة فى ال-liver only يعنى مش موجودة تقريبا غير فى خلايا الكبد علشان كدة بنسميها hepatic microsomal enzymes وعلشان كدة ال-liver هو اهم مكان بيحصل فيه ال-metabolism

- 2- ال-non-microsomal موجودة تقريبا فى كل ال-organs يعنى الأقيها فى skin،plasma،lung،kidney،liver

نيجى بقى لفرق تانى مهم اوى ↓

الأتين يقدروا يعملوا كل ال-chemical reactions اللي قلناها تقريبا

- 1- ال-microsomal تقدر تعمل oxidation و reduction للدوا،،ده تبع انهى phase 1؟
phase 1

وتعمل conjugation مع مادة واحدة فقط (glucuronic acid)

يبقى لما اقول ان الدوا ده حصله conjugation with glucuronic acid يعنى ده حصل فى ال-liver لان هو المسئول عن ال-hepatic microsomal enzymes

2- الـ non-microsomal تقدر تعمل اى حاجة فى phase 1 يعنى تقدر تعمل للدوا oxidation او reduction او hydrolysis وتقدر تعمل conjugation للدوا مع اى حاجة ما عدا الـ glucuronic acid

سهلة ← يبقى لما اقولك ان الدوا ده حصله sulphation او methylation يبقى ده غالبا non-microsomal يعنى حصل فى الـ liver او بره الـ liver

فى فرق ناس بتعتبره اهم فرق ↓

- 1- الـ microsomal enzyme بتاعة الـ liver دى بتبقى inducible
يعنى inducible؟؟ ← يعنى اقدر انشطها او inhibited، على فكرة فى حاجات تزود نشاطها وحاجات تانى تهبط نشاطها يعنى نشاطها مش ثابت
- 2- الـ non-microsomal يُقال ان ليها level of activity مش بيتغير واكيد can not be induced

اخر فرق بقى

اللى هو الـ substrate، انتو عارفين ان الـ substance يعنى المادة اللى بيشتغل عليها الـ enzyme

- 1- الـ microsomal ← الـ substrate غالبا حاجة lipid soluble
- 2- الـ non-microsomal ← الـ substrate ممكن يكون lipid soluble او يكون water soluble
هقولكو مثال مشهور وانتو طبعاً كلكو متخيلين هو ليه دوا water soluble بيكون محتاج metabolism، مش كدة.

الـ acetylcholine اللى كنا بنتكلم عنه من شوية لو اديته ك دوا، لو هو كدة ك chemical transmitter ده lipid insoluble تماماً لكن هو بيتكسر بـ enzyme اسمه choline esterase يبقى الهدف هنا مش انى احواله من lipid لـ water، لأ الهدف هنا ان انا اكسره لان ليه شغل محدود اوى وبعد ما يعمل يتكسر على طول
احنا على فكرة بيبجى فى الامتحان عندنا سؤال comparison فكنا دايماً نقول للطلبة اى جدول فى الكتاب احفظه كويس.

factors affecting the hepatic microsomal enzymes activity

الجزء الأخير بقى النهارده ان شاء الله، سؤال دايماً متوقع وبقاله على فكرة سنتين تلاتة كدة مجاش فاعتقد انه من الحاجات المهمة.

1- عندنا اول FACTOR فيها الـ DRUGS

بمعنى ايه بقى فى عندنا بعض الأدوية فى الطب بيقولوا عليها hepatic microsomal enzymes inducers or activators

تفتكر مقصود بيها ايه؟؟

يعنى الدوا ده بينشط hepatic microsomal enzymes المسؤولة عن الـ metabolism بتاع ادوية كتيرة اوى.

قبل اما اقولك الأمثلة بتاعتنا، قبل اما اقولك هما مين،، انا عايز افترض معاك كدة سمعت عن دوا اسمه phenytoin ← ده دوا بيعالج الصرع وده خلى بالك من الـ particles والـ shape علشان لما بيتغير بيأثر على الـ absorption، مش مهم كل ده المهم ان

الـ phenytoin is a hepatic microsomal enzyme inducer

طبيب انا باخد الـ phenytoin ده وباخد معاه دوا تانى اسمه الـ warfarin، الـ warfarin ده طبعا oral anti-coagulant،

او باخد معاه دوا سكر اسمه oral hypoglycemic، او واحدة ست بتاخذ حاجة اسمها oral contraceptive.

المهم ان اى مثال قلتهولك دى ادوية بتتكسر بالـ microsomal enzymes، ايه بقى اللي هيحصل لما اخذ معاهم phenytoin؟؟

الـ phenytoin هينشط الـ hepatic microsomal enzymes فيبدا الـ warfarin معدل تكسيره يزيد، طب قولى clinically العيان كان ماشى بالـ warfarin لوحده كدة كانت الدنيا حلوة وبعدين طلع ان عنده اى مشكلة كدة ولتكن epilepsy فالدكتور كتبله مع الـ warfarin phenytoin، العيان ده مريض بايه؟؟ thromboembolism لان التأثير بتاع الـ warfarin بيقل تدريجيا لانه بيتكسر ايه الحل؟؟ انا مضطر اكتبه phenytoin يبقى ازود الجرعة بتاعة الـ warfarin

طب تعالى كدة بص ع الأمثلة اللي موجودة فى الكتاب الأول قبل ما نكمل الشرح وانا مش طالب منك تحفظهم النهارده انا طالب منك على اول امتحان جاى ان شاء الله معرفش هيبقى امتى تكون حفظت لان احنا عندنا اسئلة كتيرة جدا معتمدة على ان انا اقولك الدوا ده inducer ولا inhibitor

طبيب بص كدة على الـ inducer هتلاقى فى دوا اسمه phenobarbital ده تبع مجموعة اسمها الـ barbiturates الدوا ده كان بيشتغل زمان منوم او مهدئ دلوقتى استخدامه الأساسى فى الطب فى علاج الـ epilepsy

الدوا اللى جنبه اسمه phenytoin ده اعتقد حفظناه خلاص
الدوا اللى جنبه اسمه carbamazepine ده برديو antiepileptic
اللى بعده ده اسمه rifampicin سهل ده، ده بتاع الـ TB اشهر دوا هو و الـ isoniazid فى علاج
الـ TB بيعالج طبعا infections تانية بس ده اهم استعمال
فى دوا اسمه gresiofulvin هو اصلا antifungal drug دوا بيتاخد قديم شوية فى علاج
الـ fungal infection

فى عندنا دوا اسمه cortisol سمعته ده
فى الـ testosterone او بمعنى ادق الـ androgens الـ male sex hormones، يعنى
الراجل يقدر يكسر الأدوية اعلى من الست لان الـ hormones اللى عنده بتنشط الأنزيمات اللى
بتكسر الدوا
فى عندنا القهوة والشاي مش مهمين اوى الحقيقة لكن ممكن يتخطوا مع الـ inducers
اخر مثال بقى الـ nicotine او الـ tobacco smoking

كذا مرة جه سؤال كدة
give reason: smokers should receive higher doses of drugs than
nonsmokers
علشان الناس اللى بتدخن وبتاخد دوا بيتكسر اسرع فى الـ liver فلازم تاخد جرعة اكبر من
الدوا، يبقى تفسيرها ان الـ nicotine is a hepatic microsomal enzyme inducer
طب هو الـ effect بتاعهم زى ما هو مكتوب كدة بيزود الـ metabolism بتاعة الـ other
drugs زى الـ oral anticoagulant و الـ oral hypoglycemic

هو هيحصل ايه لو ادبت الـ phenobarbital والعيان ده بياخد الـ oral hypoglycemic؟؟
الـ oral hypoglycemic ده بيضبط السكر مش كدة، يعنى واحد سكره عالى يقلله شوية،
وياخد معاه phenobarbital لاي سبب ايه اللى هيحصل؟؟ ← السكر هيفضل عالى
طب لو الست بتاخد الـ oral contraceptive هتلاقى برديو ان من اسباب فشل اقراص منع الحمل
انها تكون بتاخد معاه دوا تانى بيساعد على تكسير ادوية منع الحمل
طبعا الحل زى ما قلناك من شوية اننا نزود الجرعة

قبل اما نكمل الـ NB اللى تحت دى استاذنا الدكتور عبد الفتاح مرعى كان دايمًا كاتب فى الكتاب
بتاعه كدة بالعربى بتعمل ايه الـ hepatic microsomal enzymes inducer؟؟ ← فكان كاتب
ان اى دوا من دول بيكسر باقى الأدوية ويكسر نفسه
يعنى ايه يكسر نفسه؟؟

الدوا ده اصلا ال-phenobarbital مثلا هو نفسه بيتكسر بال-hepatic microsomal enzymes، مع الوقت ال-phenobarbital بيعمل ايه فى ال-enzymes دى، بينشطها، كانه بينشط ال-enzyme اللى بيكسره هو شخصيا فال-effect بتاع الدوا مع الوقت يحصله ايه؟؟ يقل

عارفين حاجة اسمها ال-tolerance؟؟ اللى هى ايه؟؟
ان انا اخذ جرعة من الدوا وماخدش نفس ال-response ال-phenobarbital ده كمنوم كان بيحس زمان يقولك كدة بالظبط "انا كنت باخد قرص منوم انام طول الليل مقلتش بعد شهرين ثلاثة كدة باخد القرص ومبقتش بنام زى الأول"
ودى من اسباب ال-tolerance المشهورة فى الطب
هى حلها على فكرة ان انا اوقف الدوا ده شوية وبعدين اخده تانى لان ال-tolerance لو كان ده سببها بتبقى reversible

اخر حاجة بقى كان كاتبها فى الكتاب بتاعه: يكسر الفيتامينات وبالتحديد كدة بيكسر فيتامين D، K، folic acid بس علشان يبقى كلامنا واضح وعلشان منظمش دكتور عبد الفتاح ونقول انه قال حاجة مبالغ فيها، الكلام ده هيبان لما ناخذ antiepileptic يعنى اى دوا inducer من دول يكسر نفسه ماشى،، ويكسر الأدوية التانية اللى بناخد معاها، لكن علشان بيان تأثيره انه بيكسر ال-vitamins لازم الدوا ده يكون بيتاخذ لفترات طويلة اوى زى ما انتوا عارفين ان مرضى الصرع معظمهم بيعيش على الدوا ده على طول.

فلو هو قعد ياخذ الدوا ال-inducer ده فترة طويلة ال-inducer ده هينشط تكسير ال-enzymes
clinically بقى العيان هيجى يقولك ايه؟؟
bleeding tendency vitamin K deficiency هيجى بـ
osteomalacia لان مشكلتنا هنا انك تتركب ال-vitamin D deficiency هيجى غالبا بـ
الكالسيوم على العظم
de بالنسبة للجزء بتاع ال-inducers

hepatic microsomal enzyme inhibitor

الأحتمال التانى بقى
العكس بقى ان انا بدى دوا وبدى معاها دوا تانى، الدوا التانى ده بيقلل كفاءة ال-enzyme
كتاب القسم مقسمها تقسيمة ظريفة اوى بيقولك ان فيه specific او direct inhibitor، هو عايز
يقولى ان الدوا اللى انا ادبته ده راح على ال-enzyme وقلل كفاءته
الحاجة التانية: هى مبتاثرش على ال-enzyme مباشرة هى بتعمل حاجة غلط فى ال-liver، يا اما بتبوظ ال-liver تبقى hepatotoxic

يا اما بتقلل الـ blood flow للـliver، هي معملتش حاجة فى الـenzymes هو الـliver شغله قل فبالتالى قلت الـenzyme activity.

طيب نبدا بالتانية دى، ايه الأدوية اللى لو ادتها تبقى hepatotoxic معظمهم مش علينا فى المنهج

- الـCO ده مادة سامة هتأخذ ان شاء الله السنة الجاية
- الـcarbon tetrachloride برده مادة toxic ملهاش علاقة بالأدوية
- الـozone وده كان طالع من كام سنة من الأدوية اللى هي بتعالج كل حاجة.
- وده لما تلاقى كدة دوا ببيعالج كل حاجة تشك فيه تعرف ان فيه حاجة مش مضبوطة، عمل مشاكل كتير اوى لما بدا يحصل application والمراكز بتاعة الـozone دى قفلت كلها بقرار الحكومة، كان من ضمن المشاكل اللى عملها هي الـhepatotoxicity فيوظ الكبد وبالتالي الـenzyme activity قلت

الأهم من دول الأدوية اللى بتقلل الـblood flow للـliver عندنا مجموعة اسمها beta blockers ومبدئيا كدة لغاية اما نوصلهم اى دوا اخره lol يبقى ده beta blocker، اشهرهم طبعا الـpropranolol او الأدوية اللى اسمها H2 blockers اللى هي بتعالج الـpeptic ulcer، انت عارف ان الـhistamine لما يشتغل على الـH2 فى المعدة يطلع حمض كتير، لو قفلت الـH2 يبقى انت كدة عالجت الـulcer الأدوية اللى تبع الـH2 blockers كلها اخرها tidine، اشهرهم طبعا الـcimetidine

طيب قبل ما نقلب احنا مقلناش لسه الـspecific: الأدوية اللى هي directly بتعط enzyme الـgrapefruit من ضمن الحاجات اللى لما بتتأخذ كأكل ممكن تقلل اوى كفاءة الـhepatic الـmicrosomal enzymes وبدأوا يلاقوا الناس اللى بتconsume كمية كبيرة من الـgrapefruit معرضين للـdrug toxicity

انا عايزك بقى تقولى
give reason: grapefruit may induce serious drug toxicity
ليها سببين اللى ذاكر بقى
السبب الأولانى اللى احنا قلناه مع الأمتصاص انه بييجى على الـintestinal mucosa ويمنع حاجة اسمها P glycoprotein اللى كان بيترد الدوا بره، انت منعتة وبالتالي زودت تركيز الدوا او امتصاص الدوا
السبب التانى الـliver بقى المادة اللى اسمها grapefruit هتقلل نشاط الـenzymes اللى

بتكسر لك الدواء، فانت زودت الـabsorption وقللت الـmetabolism بتاعه
فى عندنا كمان الـestrogen ويُقال كمان الـprogesterone

هو الـandrogens كانوا ايه؟؟ ← activators
علشان كدة اقولك ان males should receive high doses than females
- فى عندنا كذا antibiotic نحاول نعرفهم
- طبعا الـcimetidine ده لو اخدت بالك مكتوب مرتين هتلاقى مكتوب فى الحاجات الـspecific
والـnon specific يبقى الـcimetidine ده مزعج لو اخدته مع دوا ممكن يعمل مشاكل لانه
هيققل كفاءة الـenzyme هو مباشرة وعن طريق انه قلل الـhepatic blood flow
- الـsodium valproate ده الـantiepileptic ، بص انت كدة لو حفظت دول النهارده هتلاقى
نفسك حفظت كل ادوية الصرع.

- فى عندنا بقى فى الـantibiotic القديمة دوا اسمه chloramphenicol دوا قديم شوية هقولك
عليه نقطة كدة وسؤال شفوى قديم شوية
- الـerythromycin ده antibiotic مشهور برده من الحاجات القديمة نسبيا
- برده من الـantibiotics المشهورة اوى دلوقتى ciprofloxacin
- الـketoconazole ده حاجة من الـantifungal drugs

الى مركز كان فيه gresiofulvin فوق كان antifungal بس كان inducer وكان فى دوا
اشهر منه فى الأستخدام حاليا هو الـketoconazole الى هو inhibitor للـmicrosomal
enzymes

- الـomeprazole ده بيتقال عليه **proton pump inhibitor** بتاع القرحة بيوقف حاجة
اسمها H-K ATPase الى بتصنع الـH+ بتاع الـHCL

طبيب نرجع للمثال الـclinical، عيان بياخد warfarin وبيأخذ معاه مثالا ketoconazole، ايه
الأخبار؟؟

الـketoconazole هيققل الـenzymes الى بتكسر الـwarfarin فيبدا مستوى
الـwarfarin فى الدم يعلى فييجى للعيان نزيف
[الحل ايه بقى؟؟](#) نقلل الجرعة

فى مثال الـclinical مشهور اوى برده اتمنى الكلام ده تفكروه لما تتخرجوا ان شاء الله، الى
فيكو هيشغل فى الباطنة او هيعالج chest او bronchial asthma او الكلام ده
فى عندنا دوا مشهور فى علاج الـbronchial asthma الـtheophylline
معلىش كدة فكرنى احنا كان لازم نوصل بالدوا لتركيز معين فى البلازما اسمه الـtherapeutic

او الـ desired ولو عليت شوية اوصل لحاجة اسمها الـ toxic concentration

مشكلة الـ **theophylline** لحد اما نشرحه بالتفصيل ان الفرق بينهم قليل يعنى الفرق بين الـ therapeutic و الـ toxic level قليل فلو على فى البلازما لاي سبب يعمل toxicity والتسمم بتاعه مؤذى وممكن يموت، طب انا باخده الدكتور بتاع الأمراض الصدرية كتبلى theophylline قرص كل 12 ساعة وماشى حلو اوى، جالى chest infection وده very common لو انا عندي bronchial asthma فالدكتور كتبلى مع الـ theophylline ده erythromycin او كتبلى ciprofloxacin بص عليهم كدة دول antibiotics مشهورة اوى بتعالج الـ chest infection حلو اوى بس مشكلتها انها hepatic microsomal enzymes inhibitor ، لو انا مقلتش جرعة الـ theophylline ادخل فى تسمم منه لان الـ antibiotic قلل نشاط الـ enzymes فالدوا مش عارف يتكسر، فيعلى شوية بدل ما كنا فى الـ therapeutic بقينا فى الـ toxic level، وعندنا حالة bronchial asthma ان شاء الله فى العملى فهنرجع نقول الكلام ده تانى ده بالنسبة للـ factor بتاع الـ drug الكلام اللى بعد كدة سهل ان شاء الله.

2- الـ age ← من غير ما اقولك كدة ايه علاقة الـ age بالـ microsomal enzymes طبعا الـ extreme of age هو المشكلة، الأطفال الصغيرين بالذات لو مولودين premature او الناس الكبيرة فى السن اوى الـ liver بتاعهم مش بنفس الكفاءة فلازم اعمل حسابى واقلل الجرعة المثال المشهور اوى اللى مش موجود فى الكتاب الـ morphine، ده من الأدوية اللى بيحصلها conjugation فلازم تعمل حسابك لو ادبت morphine لحد من دول انك تقلل الجرعة والا يحصل منه مشاكل كتيرة اوى

المثال اللى موجود فى الكتاب بقى دوا اسمه chloramphenicol هو كان مكتوب مع الـ hepatic microsomal enzyme inhibitors، بس خلى بالك هو نفسه معتمد على الـ conjugation فى التخلص منه طيب انت جالك طفل premature وعنده infection روحت كاتبله chloramphenicol ايه المشكلة؟؟

الـ liver مش شغال كويس مش قادر يعمل conjugation كويس للدوا والمشكلة التانية ان الدوا نفسه بيقلل نشاط الـ enzymes يبقى انت عندك مشكلة رهيبه فى الطفل ده انه مش قادر يكسر الدوا فيبدأ يعلى ويقلل النفس ويعمل cyanosis فلون الجلد يبقى رمادى ويقولو ان الطفل جاله حاجة اسمها **grey baby syndrome**

طبيب في حد من اساتذتنا الكبار اوى في الفارما بيسالك في الشفوى تحلها ازاي دي؟؟
في حاجات كتير اوى بتعمل، respiration ومش عارف ايه وغسيل معدة واي حاجة من
حاجات التسمم دي لكن ده مش هيتصلح غير لما ادى hepatic microsomal enzymes
inducer مثلا اديله phenobarbital وتلاقى اهل العيان مستغربين اوى الدوا مكتوب عليه
مهدئ ومنوم، بس احنا هنا مش عايزين ننيمه احنا عايزين ننشط الـ microsomal enzymes

3- بالنسبة للـ sex ← انت عرفت الفرق بين الـ male والـ female

4 - بالنسبة للـ pathological conditions ← مش محتاجة شرح واحد بتديله دوا والـ liver
مش سليم مش هيعرف يكسر الدوا فالدوا ممكن يعمل toxic effect
المثال بتاعنا اللي هو اسمه diazepam، على فكرة الـ diazepam ده safe اوى وزى ما قولتلك
بيعالج الصرع والتشنجات وبيتاخد في التخدير والعمليات، ده حلو في عيان معدوش اي
مشكلة، لكن لو اديته لعيان عنده مشكلة في الـ liver ممكن يتحول للـ toxic level فيعمل coma
في الـ CNS.

5- الـ starvation ← لو في مشكلة في التغذية مش هقدر ابني الـ enzymes المسؤولة عن
الـ metabolism و بيقال انه بيحصل جامد اوى deficiency في الـ glycine بالذات.

6- اخر factor بقى اللي بيسموه genetic factor ← كلوكوا هتلاحظو ان شاء الله لما تتخرجوا
انك تكتب دوا لعيان نفس الجرعة ونفس كل حاجة هتلاقى عيان الدوا مبهدله خالص آثار جانبية
وعيان تاني الدوا ميعملش فيه حاجة خالص، دي ليها علاقة بالـ activity بتاعة الـ enzyme
ربنا خلقه كدة نقول عليه genetic polymorphism ← يعني اختلاف في الأشكال او النشاط
بتاع الـ enzyme

يمكن المثال المشهور في المنهج بتاعنا اسمه succinylcholine، عدى عليك في اي حنة
زمان؟؟ ← ده بيتصنف في الأدوية اللي هي skeletal muscle relaxant، يعني الدوا ده لما
بيتحقن IV بيعمل relaxation في skeletal muscles، الدوا ده بيفضل شغال تقريبا 5 دقائق
عشر دقائق كدة لانه بيتكسر بانزيم مشهور اوى اسمه pseudo choline esterase وده
بيتصنع في الـ liver ويطلع في الـ plasma، فانا اول ما احقن الـ succinylcholine
يحصل relaxation وبعد 5 دقائق الـ muscle tone ترجع تاني
في بعض الحالات بقى في ناس عندها genetic defect في الـ pseudo choline
esterase، ده بعد خمس دقائق عشر دقائق ومفيش حاجة العيان دخل في respiratory
paralysis ولو ملحققوش وعملتله تنفس صناعي يموت

دى بقى حلها ايه؟؟

اديله fresh blood، شوية دم كدة من اى حد يكون فيه فى الـ plasma عنده **pseudo choline** **esterase** اى 10 cm والـ 10 cm دول كمية صغيرة اوى مش محتاجين matching على فكرة مش هيعمله reaction ولازم اهم حاجة يكون fresh blood لان المتخزن هيكون الـ pseudo choline esterase حصله degradation.

FLASHNOTES